

**O‘zbekiston Respublikasi Oila va xotin-qizlar davlat qo‘mitasi
huzuridagi Jismoniy va yuridik shaxslar hamda davlat organlari o‘rtasidagi
nizolarni sudgacha hal qilish bo‘yicha
apellyatsiya kengashi**

O‘zbekiston Respublikasi Prezidentining 2020 yil 17 iyundagi **“Nizolarni muqobil hal etishning mexanizmlarini yanada takomillashtirish chora-tadbirlari to‘g‘risida”** PQ-4754-son qaroriga asosan Oila va xotin-qizlar davlat qo‘mitasi huzurida nizolarni sudgacha hal qilish maqsadida **“Jismoniy va yuridik shaxslar hamda davlat organlari o‘rtasidagi nizolarni sudgacha hal qilish bo‘yicha apellyatsiya kengashi”** tashkil etilgan. Mazkur apellyatsiya kengashi kollegial-maslahat organi bo‘lib, uning a‘zolari o‘z faoliyatini jamoatchilik asosida olib boradilar.

O‘zbekiston Respublikasi Oila va xotin-qizlar davlat qo‘mitasi huzuridagi Jismoniy va yuridik shaxslar hamda davlat organlari o‘rtasidagi nizolarni sudgacha hal qilish bo‘yicha apellyatsiya kengashi O‘zbekiston Respublikasi Prezidentining 2020 yil 17 iyundagi PQ-4754-sonli qarori bilan tasdiqlangan “Jismoniy va yuridik shaxslar hamda davlat organlari o‘rtasidagi nizolarni sudgacha hal qilish bo‘yicha apellyatsiya kengashi to‘g‘risida”gi Nizom talablariga amal qilgan holda o‘z faoliyatini olib boradi.

Apellyatsiya kengashining asosiy vazifalari quyidagilardan iborat:

jismoniy va yuridik shaxslar hamda Oila va xotin-qizlar davlat qo‘mitasi o‘rtasida yuzaga keladigan nizolarni sudgacha ko‘rib chiqish va xulosa qabul qilish orqali ularni hal qilish choralari ko‘rish;

murojaatni ko‘rib chiqishda qonun hujjatida turlicha talqin etilishi mumkin bo‘lgan normalar aniqlangan, u amaliyotda noto‘g‘ri yoki ziddiyatli tarzda qo‘llanilgan taqdirda, ularni belgilangan tartibda rasmiy sharhlashni tashkillashtirish bo‘yicha choralarni ko‘rish;

murojaatni ko‘rib chiqishda aniqlangan qonun hujjatlaridagi bo‘shliqlarni bartaraf etish bo‘yicha takliflar kiritish.

Apellyatsiya kengashi murojaatlarni ko‘rib chiqishda:

teng huquqlilik, xolislik, qonuniylik, kollegiallik va huquqni qo‘llash amaliyotining birxilligini ta‘minlash;

murojaat etuvchilarning huquqlari va qonuniy manfaatlariga rioya qilish;

jismoniy va yuridik shaxslarning murojaatlari to‘g‘risidagi qonun hujjatlarida bartaraf etib bo‘lmaydigan barcha qarama-qarshiliklar va noaniqliklarni murojaat etuvchining foydasiga talqin qilish prinsiplariga asoslanadi.

**O‘zbekiston Respublikasi Oila va xotin-qizlar davlat qo‘mitasi huzuridagi
Jismoniy va yuridik shaxslar hamda davlat organlari o‘rtasidagi nizolarni
sudgacha hal qilish bo‘yicha apellyatsiya kengashi tarkibi**

1. Maxkamova Zulayxo Baxriddinovna – Oila va xotin-qizlar davlat qo‘mitasi raisi, kengash raisi
2. Parpiboeva Ozoda Abduqodirovna – Oila va xotin-qizlar davlat qo‘mitasi raisining birinchi o‘rinbosari, kengash raisining o‘rinbosari
3. Turdiboeva Ra‘no Eshovna – Oila va xotin-qizlar davlat qo‘mitasi raisi o‘rinbosari
4. Egamberdieva Nodira Melibaevna – Oila va xotin-qizlar davlat qo‘mitasi raisi o‘rinbosari
5. Nizamova Mavlyudaxon Sheralievna – Oila va xotin-qizlar davlat qo‘mitasi Tashkiliy nazorat va tahlil boshqarmasi boshlig‘i
6. Matyakubova Nilufar Toxirjonovna – Yuridik bo‘lim boshlig‘i
7. Kaxarov Baxodir Baxramovich – Xotin-qizlarga nisbatan zo‘ravonlikni oldini olish va ijtimoiy rehabilitatsiya qilish ishlarini muvofiqlashtirish bo‘limi boshlig‘i
8. Maxmudova Mukaddas Usmonalievna – Birinchi bo‘lim boshlig‘i, rais maslahatchisi
9. Saidkasimov Baxtiyar Nishanbaevich – Komplaens nazorat bo‘yicha bosh mutaxassis
10. Abduramanov Xamid Xudaybergenovich – “Oila va xotin-qizlar” ilmiy-tadqiqot instituti tashkiliy ishlar bo‘yicha direktor o‘rinbosari
11. Xoshimova Dildora Axunovna – Tashkiliy nazorat va tahlil boshqarmasi bosh mutaxassisi (murojaatlar bilan ishlash bo‘yicha), kengash kotibi

**Jismoniy va yuridik shaxslar hamda davlat organlari o'rtasidagi nizolarni
sudgacha hal qilish bo'yicha apellyatsiya kengashida murojaatlarni ko'rib
chiqish
SXEMASI**

Bosqichlar	Mas'ullar	Tadbirlar	Muddat
1-bosqich	Jismoniy va yuridik shaxs (murojaat etuvchi)	Nizoli masalani Apellyatsiya kengashida ko'rib chiqish uchun ushbu Kengash tuzilgan davlat organiga yozma (elektron) tarzda murojaat qiladi.	O'z xohishiga ko'ra
2-bosqich	Huzurida Apellyatsiya kengashi tuzilgan davlat organi	Davlat organining rahbari (yoki uning o'rinbosarlari) tomonidan murojaat uning muallifini xabardor etgan holda Apellyatsiya kengashiga ko'rib chiqish uchun yuboriladi.	Murojaat kelib tushgan kundan boshlab 1 kun ichida
3-bosqich	Apellyatsiya kengashi	<ol style="list-style-type: none"> 1. Kelib tushgan murojaatni har tomonlama va puxta o'rganib chiqadi. 2. O'rganish natijalarini o'z majlislarida muhokama qiladi. 3. O'rganish va muhokamalar natijasida tuzilgan xulosa majlisda ishtirok etayotgan Apellyatsiya kengashi a'zolarining oddiy ko'pchilik ovozi bilan qabul qilinadi. 	Murojaat kelib tushgan kundan boshlab 15 kun ichida (zaruratga qarab, 1 oygacha muddatda)
4-bosqich	Apellyatsiya kengashi	Apellyatsiya kengashi xulosasini davlat organi rahbariga ko'rib chiqish va boshqa manfaatdor tarablarga ma'lumot uchun yuboradi.	Xulosa qabul qilingan kundan boshlab 3 kun ichida
5-bosqich	Davlat organi	<ol style="list-style-type: none"> 1. Kelib tushgan Apellyatsiya xulosasi va tegishli murojaatni ko'rib chiqadi hamda murojaat bo'yicha yakuniy qarorni qabul qiladi. 2. Qabul qilingan qaror to'g'risida Apellyatsiya kengashi va tarablarni yozma (elektron) tarzda xabardor qiladi. 	Xulosa kelib tushgan kundan boshlab 3 kun ichida